



NUNAVUT BUSINESS

ᓄᓇᓂᓯ ᓇᓴᓯᓂᓐᓂᓐᓂᓯ



CREDIT CORPORATION

ᓯᓇᓂᓯᓂᓐᓂᓐᓂᓯ ᓄᓴᓯᓂᓐᓂᓯ

"Lender of Northern Opportunity"

Piumajut Ilaujumajunut Katimajiimi Ilaujuqhanik

Nunavunmi Nanminiaqatunut Atukkirvik Kuapuraisinganut

Atanniarvia Iqalungni, Nunavut, Nunavut Nanminiaqatunut Atukkirviit Kuapuraisingat (NBCC), atukkiqvijuq ukiuqtaqtumi, tunihidjutilik atukkiutiviqhamik nunaqaqtunik nanminiaqtunik Nunavunmi. Maniliqinirmun ukiugannut nunggunianut Qiqailruq 31, 2023, NBCC kut piqaqtut 52 nik atukkirviinnik avatquhimaplutik akiatigut \$16 miliantaalamik tamaani nunaptingni.

2021 mi, NBCC kut kiqliniqhaa maligaliuvigijajuuq atukkiriami kiqliqhaa akittuqjuumiktuq \$2 miliantaalamik talvamin \$1 miliantaala. Imaalu maligaliuvigijajuuq ihuaqhaqtauhimajut talvuuna *Nunavut Nanminiaqatunut Atukkirvik Kuapuraisinga Maligaata* ihumagijauligtun.

NBCC kut nunaptingnut kuapuraisiujuq Nunavut Kavamatkunnut (GN), munarijaupluni Katimajiita Aulapkaijini aulapkaiplutik ilikkut talvomit GN kunnit. Aulapkaijit Katimajiimi tikkuaqtaujut Ministamin munarijaqatuuq NBCC kunnut maliqhugu *Nunavut Nanminiaqatunut Atukkirvik Kuapuraisinga Maligaa*.

Aulapkaijit Katimajiimi piqaqtun ikittuujaanggittumik saivannik aulapkaijinik amigaitqiangginggiplutiklu tualunik aulapkaijinik. Aulapkaijit tikkuaqtaujut ilauviqhainnut qan'ngiutihimaittumik pinggahuni ukiuni pidjuthimaplugit Minista munarijaqatuuq NBCC kunnut. Hadja, talimat nainnit aulapkaijit nunaqatauhimajut, pinggahutlu aulapkaijit arnauplutik. Tamaita pinggahut avikturviit Nunavunmi kivraqtuqtaujut Aulapkaijit Katimajiinni.

Minista munarijaqatuuq hadja piliqtait uuktuutit inungnit ilaujumajunut Aulapkaijit Katimajiinni. Inuit kivraqtugumajut Aulapkaijit Katimajiimi tunihiuqhat uuktuutait najugaaunut titiraqhimajumi ataani.

Minista munarijaqatuuq qiniqhajuq inungnik aadlatkiingni ajuttiarniqhatigut aadlatkiqtunilu havaarjangmingnik hivuniqhaqatut, hivuliqtirinirmun havauhiit ajunggiplugit, piumanikpiangnikkutlu tunijaanggat pidjagiqpiaqtumik ikajuutiluni Aulapkaijit Katimajiinnut NBCC kunnutlu.

Ihumagijajuuq taapkununga inungnut atuqpaqhimajait aulapkainirmun nanminikkut imaalu inungnut havakpaqhimajut Nanminikkut Titiqqiviuplutik, Kuapuraitkunni Maniliqidjutainni, Kititirinirmun, Havaktuliqinirmun Atan'ngujaqtuinirmun, Maniliurnahuar-nirmun, Inungnutluunniit Titiqqivilidjutivaktuni. Nunaqatauhimajut aqhuuqlutik uuktuqjajuuq.

Ilaujumajunut inuit tuniqhiuqhat ikajuutiqhainnik titiraqhimajumik havaarivaktainniklu qaritaujakkuugutigilugit, titiraqhimagutigilugit havauhiit, ajuraqanggittuuq, havakpaqhimajait aadlatlu ikajuutiqhainnik qaritinaqtut Aulapkaijit Katimajiinnut talvuna Imaruqtirvia 9, 2023 Atan'ngujalluamun, Nunavut Nanminiaqatunut Atukkirvik Kuapuraisingani, uvuuna pma@nbcc.nu.ca.